

袁州府志卷之九

祥異

唐元和十五年六月十六日有慶雲見于州西北至暮
方散五色光華不可徧觀時韓愈刺郡有賀表○南唐
保大二年郡城火災○宋大中祥符三年七月江漲害
民田壞州城○景祐三年夏苦雨水驟漲墊民廬官署
圖籍倉廩皆滄浸○元豐二年有禾一莖八穗至十一
穗皆層出長者尺餘○元祐元年宜春鄉貢進士王忱
家產粟二本四穗其長踰尺○大觀四年季夏有瑞蓮

袁州府志卷之九

生於泮水之西隅合附同莖駢花並實郡守趙瑞寫為
圖是秋仰山大平興國禪院產穀一本而七穗尚書左
僕射張商英上表進瑞禾圖及宋大雅獻脩嘉禾十有
三章賜詔褒答商英請并寫置中書省右僕射廳壁許
之仍許三省樞密院同觀○宣和六年郡城民居三火
○隆興初泮鄉池中芙蓉春開一本而三花是年郡發
解進士四人而泮鄉居其三○淳熙七年五月戊戌分
宜縣大水決田害稼○九年夏五月不雨至于秋七月
旱○十四年五月旱○十五年六月水地民廬○十六

年五月丙辰分宜縣水○紹興四年自夏及秋四時皆水○慶元六年五月郡縣皆大水自庚午至于甲戌漂民廬害稼○嘉泰四年春大饑殍死者不可勝瘞○元至正四年萍鄉州治前鳳凰池蓮生一本二花駢首並

蒂夏鎮記

大明永樂十年夏猛虎為害僉事黃翰為驅虎文禱于城隍○天順八年夏四月大水秀江橋圯○宣德九年旱民大饑十年旱饑○成化十四年四月十六日大水○弘治七年冬嚴寒林木枯摧人行凍死八年夏秋四縣

袁州府志卷之九

二

旱饑○弘治十年瑞竹產於分宜嚴嵩書壘傍一莖七節上分兩歧○十四年夏蓮實門外有塘蓮開一枝雙葩分宜知縣吳蘭解庭中梧桐有甘露降○十六年夏大旱民饑○十七年夏袁山門外池生蓮一枝雙葩○是年三月分宜縣火燔民廬五十餘延燔儒學前坊及安仁驛○十八年二月分宜袁嶺白氣如虹上騰三日○正德元年秋七月大水山崩橋壞墊民廬舍早稻仆泥出秧○二年夏大仰門外池生蓮三本皆同蒂異萼○三年旱饑○四年旱大饑民蔽林莽中要負米者奪

之或群其黨數百發富民廩強糴是歲竹生花結米民
采之食○五年旱○六年秋監生韓繼善家石榴一蒂
結六實○七年旱○八年旱是秋九月郡城火燔民居
百餘家延燎湖西道門惠民藥局府學西二齋并門廊
宰牲房

遺事

唐盧肇黃頗皆宜春同舉郡守獨餞頗明年肇狀元及第
歸郡守接甚厚延肇觀競渡肇賦詩扁舟鼓浪去如飛
鱗鬣崢嶸各聞機向道是龍剛不信果然奪得錦標歸

袁州府志卷之九

三

守大慚

書言故事

盧肇初赴舉先達曰袁州出舉人邪曰袁州舉人亦猶沅
江出鱉甲九肋者稀矣據言

鄭都官谷與僧齊已俱有詩名齊已賦早梅詩曰前村深
雪裏昨夜數枝開谷見之曰數枝非早也不若一枝自
是遂呼為一字師五代文補

徐璠自維揚歸浦村一日往謁二神儼然示人狀與之從
容坐語自是往來甚數神曰子每至當叩石橋大呼叔
季子即出又問子欲雨乎暘乎予實司其事璠笑曰無

田可耕雨暘非急一夕山水泛至夷高淖下為田五頃
今浦村西徐田是也璠駭其事急往謝忘叩石橋竊窺
其穴乃見二龍蟠潛自如雲霧潏然璠驚出今堵陂亦
有徐公廟

二神嘗一日過山下寡姥家求飯姥具飯甚嚴且謝曰老
婦愧無葷食以為奉神曰予非人實仰山神也姥曰婦
聞仰山神四方來祭無虛日何為求飯耶神曰四方來
祭烹羔獻豚雞鴨具陳職固當血食下民之愚有不可
求福而求之者有實可禍而求免者予皆不得而享之
是以有請於姥也

袁州府志卷之九

四

韓絳劄子奏臣頃者奉使江南其時為旱臣至袁州自
書祝文致禱于仰山靈濟王祈求之日即時雨降臣親
覩顯應功利及民伏望聖慈增加美號

長沙王容以淳熙癸卯冬赴省道過袁州禱于仰山神夜
宿州東旅舍夢人歌玉樓春纔半闕云玉堂此去春風
暖正飛絮馬前撩亂姮娥剪就綠羅衣待來到蟾宮與
換次年果登第後三年又作殿元俱仰山實錄

宋范延賞為殿直押兵過金陵張忠定公為守因問曰天

使汭路來還曾見好官貧
郭延賞曰昨過袁州萍鄉邑
宰張希顏著作者雖不識之
知其好官貧也忠定曰何
以知之延賞曰自入萍鄉境
驛傳橋梁皆葺治田萊開
闢野無惰農及至邑則屋
肆無賭博市易不敢喧爭
夜宿邸中聞更鼓分明以
是知其必善政也忠定大笑
曰希顏固善矣天使亦好官
貧也即日同薦于朝方輿
勝覽
知州事張顥嘗榜客次凡士
人謁見者必令作詩賦人無
敢闖其門郡士彭持獨奮袂
曰豈可謂秦無人耶請命
題張壯之曰賦日新之謂盛
德及箴器待時詩俄頃成

篇張大稱賞治平初持竟登上第

舊志

知萍鄉縣事黃大臨字元明山谷之兄谷之謫黔州也元
明送之故書縣廳壁云兄元明白陳留山渡漢沔上夔
峽過一百八盤涉四十八渡送余至摩圍山掩淚握手
臨別有詩云急雪春令相並影驚風鴻鴈不成行氏族
大全
成恭夏皇后宜春清瀝人曾祖令吉為吉水簿夏氏初入
宮為懿聖太后閣中侍御普安郡王夫人郭氏薨太后
以夏氏賜王封齊安郡夫人即位進賢妃踰年奉上皇
命立為皇后乾道二年謁家廟親屬推恩十一年三年

崩謚安恭寧宗時改謚成恭初后之生也有異光穿室
父協奇之及長以姿納宮中久之父居益困及歸客索
之蟠龍僧舍號夏翁翁亡后始貴追封信王宋史后
妃傳

沈菊山性嗜菊由進士知錢塘縣嘗植菊數百本以自樂
晚操益堅適以九月九日歿朱文公輓之詩愛菊平生
不愛錢此君原是菊花仙正當地下脩文日恰值人間
落帽天生與唐詩同一脉死隨陶令塋千年如今忍向
西郊哭東野無兒更可憐

元至正壬午圭齋以翰林承旨自瀏陽歸分宜省墓屏謝
導吹車徒稀寂其鄉人孫春洲先生有名士也有詩曰
圭齋只是一圭齋不帶此兒官樣回若使他人官二品
門前車馬鬧如雷

郭擦萬載人左手及兩足廢以右手擦地行名擦擦母老
病風丐諸市為養如此者十八年無倦元貞二年冬遇
一道人手藥五丸與之擦服其藥手足病良愈既又遺
母一九母亦愈餘三丸以授隣之富人隣富人病亦愈
供給其母子終身不渝人以為孝感所致舊志

黃太常子澄少謁石門梁孟敬先生令賦庭中枯梅黃立

賦曰百千年樹未為枯三五箇花何大疎聞道名門春意動不知曾有暗香無先生竒之留與卒業子澄平生詩文泯滅不復見其一二篇為人所傳誦者贈同里劉醫士歌世人欲學醫國手令人不見古人有古人已遠可柰何力追猶落軒岐後四時錯運六氣滯窮簷蔀屋多呻吟眼前盡是學醫者到頭蘇息誰關心宜春劉君故鄉客京國相逢舊相識囊中贖貯活人方住市懸壺不盈尺夜來疎雨敲梧桐為言歸思生秋風侵晨過我揖我別行李便逐南飛鴻嗚呼上醫不可見搔首乾坤

袁州府志卷之九

七

淚如霰還家種杏早成林宋清當有河東傳又一詩仗鉞曾登大將壇貂裘遠賜朔方寒出師無律真兒戲負國全身獨汝安論將每時悲趙括攘夷何日見齊桓尚方有劍憑誰借哭向蒼天幾墮冠此殆真筆今里士不辨真贗俚語鄙詞輒相傳錄強傳為其所作適病之也新淦練都御史子寧與子澄實同死事時以黨禍被逮有司株繫彌年不解近臣有以為言者

文皇曰使練子寧等在朕固當用之詔悉從寬宥帝之德至矣

嚴方伯孟衡儀狀魁碩不類南產初為邑諸生一御史行部至慶節行禮適天雨拜於庭上孟衡當贊儀厲聲曰拜下禮也今拜乎上恭也御史瞠目視之復厲聲曰怒目視君大不敬也御史改容稱歎而去後孟衡舉進士為御史正色立朝屢劾大臣不法百司憚其風采朱壘少浮湛里中不事生業年三十二見諸生學心慕之乃挾冊入鄉塾昕夕佔畢忘倦鄉里語曰未落拓三十歲讀大學遂由鄉校升國學領京闈鄉薦任徐聞知縣純實方確有古風鄉黨尤稱其孝